

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 7 NOVEMBER 2023, PUKUL 10.00 PAGI

Bil. 9

WAKTU PERTANYAAN-PERTANYAAN MENTERI

1. PR-1523-MQT2460
Tuan Prabakaran A/L M Parameswaran [Batu] minta **PERDANA MENTERI** menyatakan jumlah keseluruhan yang telah dibelanjakan oleh Kerajaan untuk kerja-kerja promosi dan publisiti dalam menghebahkan pencapaian Kerajaan menerusi semua platform media massa termasuk media cetak, media digital dan juga media televisyen sepanjang tahun sejak tahun 2020 hingga kini.

2. PR-1523-MQT2463
Tuan Wan Ahmad Fayhsal bin Wan Ahmad Kamal [Machang] minta **PERDANA MENTERI** menyatakan apakah pendirian Kerajaan berhubung tindakan terkini Dewan Perwakilan Amerika Syarikat yang meluluskan Rang Undang-Undang Pencegahan Pembiayaan Antarabangsa Hamas untuk mengenakan sekatan terhadap pihak luar yang menyokong Hamas serta pergerakan Jihad Islam Palestin.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 7 NOVEMBER 2023, PUKUL 10.00 PAGI

Bil. 67

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1523-L21260
Dr. Richard Rapu @ Aman anak Begri [Betong] minta **MENTERI PENDIDIKAN** menyatakan peratus insiden pelajar-pelajar yang melangkah ke tingkatan 1 yang tidak mempunyai kebolehan asas untuk menulis, membaca dan mengira di Sarawak.
2. PR-1523-L22164
Datuk Seri Dr. Ronald Kiandee [Beluran] minta **MENTERI DALAM NEGERI** menyatakan apakah status terkini Keselamatan Kawasan Keselamatan Khas Pantai Timur Sabah (ESSCOM) dan apakah usaha Kementerian untuk mempertingkatkan keupayaan aset serta tahap penguatkuasaannya dalam mendepani ancaman keselamatan sempadan.
3. PR-1523-L21525
Tuan Haji Aminolhuda bin Hassan [Sri Gading] minta **MENTERI PERPADUAN NEGARA** menyatakan adakah Akta Hasutan dan Akta Komunikasi mencukupi dalam menghadapi isu 3R ataupun adakah Kerajaan berhasrat memperkenalkan satu RUU baru berkaitan keharmonian kaum.

4. PR-1523-L22573
Dato' Hajah Siti Zailah binti Mohd Yusoff [Rantau Panjang] minta **MENTERI PEMBANGUNAN USAHAWAN DAN KOPERASI** menyatakan inisiatif pihak Kementerian dalam membangunkan ekonomi golongan rentan termasuk ibu tunggal khususnya mereka yang berada di kawasan luar bandar dan pedalaman.
5. PR-1523-L21818
Dato' Verdon bin Bahanda [Kudat] minta **MENTERI PENGANGKUTAN** menyatakan rancangan Kerajaan atau kaedah untuk membuka permit atau laluan feri antarabangsa untuk laluan Kudat-Palawan bagi merancakkan aliran ekonomi dan mengalakkan kemasukan keluar masuk pelancong di Kudat yang terletak dalam kawasan BIMP-EAGA.
6. PR-1523-L22144
Dato' Dr. Ahmad Yunus bin Hairi [Kuala Langat] minta **MENTERI KESIHATAN** menyatakan :
 - (a) status program perintis PrEP (*Preexposure Prophylaxis*) sehingga kini; dan
 - (b) bilakah program ini akan dilanjutkan ke pusat kesihatan yang lain.
7. PR-1523-L22194
Tuan Yuneswaran A/L Ramaraj [Segamat] minta **MENTERI KEWANGAN** menyatakan perkara-perkara yang telah dinilai dengan teliti dalam memuktamadkan kelulusan terhadap perlesenan perbankan digital yang diberikan kepada GXBank yang dikendalikan oleh syarikat Grab dan apakah keistimewaan yang ditawarkan oleh pengendali perbankan digital tersebut.
8. PR-1523-L22385
Tuan Zakri bin Hassan [Kangar] minta **MENTERI PENDIDIKAN** menyatakan perancangan Kementerian untuk mewujudkan Kolej Tingkatan 6 di negeri Perlis.
9. PR-1523-L21289
Tuan Oscar Ling Chai Yew [Sibu] minta **MENTERI PENGANGKUTAN** menyatakan alasan Malaysia tidak menyertai "*Intergovernmental Agreement on the Trans Asian Railway Network*" dan sama ada akan menyertainya secepat mungkin.

10. PR-1523-L21928
Dato' Haji Mohd Suhaimi bin Abdullah [Langkawi] minta **MENTERI KESIHATAN** menyatakan status kelulusan kajian ganja dan ketum untuk kegunaan dalam perubatan.
11. PR-1523-L21322
Dato' Haji Adnan bin Haji Abu Hassan [Kuala Pilah] minta **MENTERI DALAM NEGERI** menyatakan statistik banduan yang dikenakan hukuman mati mandatori dan hukuman penjara seumur hidup yang telah memfailkan permohonan untuk menyemak semula hukuman berkenaan berdasarkan Akta Semakan Hukuman Mati dan Pemenjaraan Sepanjang Hayat.
12. PR-1523-L21738
Dato' Haji Abdul Khalib bin Abdullah [Rompin] minta **MENTERI PENGANGKUTAN** menyatakan adakah pihak Kementerian menjalankan kajian kesesakan jalan raya kerana kesesakan dilihat sering berlaku pada waktu cuti perayaan dan cuti hujung minggu yang boleh mengganggu perjalanan pengguna-pengguna jalan raya yang merupakan rakyat dan pengundi-pengundi yang memilih Kerajaan sedia ada.
13. PR-1523-L21170
Tuan Prabakaran A/L M Parameswaran [Batu] minta **MENTERI KESIHATAN** menyatakan bagaimana cara Kementerian untuk atasi masalah kekurangan ambulans di sesetengah kawasan tumpuan.
14. PR-1523-L22211
Dr. Radzi Jidin [Putrajaya] minta **MENTERI KEWANGAN** menyatakan :
 - (a) adakah Kerajaan telah menjalankan kajian terperinci berkaitan implikasi pelaksanaan Cukai Keuntungan Modal (CGT) terhadap saham tidak tersenarai; dan
 - (b) apakah garis masa cadangan pelaksanaan CGT dan berapakah unjuran peningkatan hasil daripada pelaksanaan CGT.
15. PR-1523-L21569
Puan Teresa Kok Suh Sim [Seputeh] minta **MENTERI PEMBANGUNAN WANITA, KELUARGA DAN MASYARAKAT** menyatakan sebab Kementerian lewat menghantar laporan terkini Universal Periodic Review (UPR) bagi Konvensyen Hak Orang Kurang Upaya PBB kepada Majlis Hak Asasi Manusia PBB. Apakah Kerajaan akan mengedarkan laporan CEDAW, CRC dan CRPD kepada semua ahli Parlimen.

16. PR-1523-L22679

Dato' Azman bin Nasrudin [Padang Serai] minta **MENTERI KESIHATAN** menyatakan isu kekurangan ambulans. Apakah Kementerian sedar keadaan ambulans di daerah Kulim yang uzur seperti di Klinik Kesihatan Taman Selasih, Kulim pernah ada banyak keadaan kenderaan selalu rosak. Apakah langkah Kementerian menangani isu ini.

17. PR-1523-L21823

Tuan Mordi Bimol [Mas Gading] minta **MENTERI PENDIDIKAN** menyatakan jumlah kos dan pecahan item di bawah peruntukan mengurus dan pembangunan yang telah diluluskan bagi Pejabat Pendidikan Daerah Bau dan Pejabat Pendidikan Daerah Lundu pada tahun 2022 dan 2023 serta berapakah yang diperuntukan untuk kemudahan serta program-program sukan sekolah di bawah Parlimen Mas Gading.

18. PR-1523-L22461

Tuan Haji Bakri bin Jamaluddin [Tangga Batu] minta **MENTERI PERLADANGAN DAN KOMODITI** menyatakan usaha-usaha yang telah dan akan dilakukan bagi menggalakkan pengeluaran lateks di Sabah dan Sarawak di mana data menunjukkan Sabah sahaja mempunyai sebanyak 199,000 hektar tanaman getah dan berpotensi besar untuk menghasilkan lateks.

19. PR-1523-L22509

Dato' Seri Dr. Wan Azizah Wan Ismail [Bandar Tun Razak] minta **MENTERI KESIHATAN** menyatakan 1,200 klinik daif akan dinaik taraf diantara 2023 hingga 2025 dalam RMK12, apakah langkah-langkah kos efektif untuk pelaksanaan ini.

20. PR-1523-L21906

Ir. Ts. Haji Khairil Nizam bin Khirudin [Jerantut] minta **MENTERI PENGANGKUTAN** menyatakan relevansi Perbadanan Aset Keratapi (RAC) di enam negeri dengan jumlah keluasan hampir 370 ekar ditawarkan kepada swasta untuk dibangunkan, dan bukannya kepada GLC-GLC sekiranya ianya demi menjana pendapatan negara.

21. PR-1523-L21845

Puan Rodziah binti Ismail [Ampang] minta **MENTERI PERPADUAN NEGARA** menyatakan prestasi terkini dan hala tuju semua program dan inisiatif untuk memupuk dan memperteguh perpaduan, permuafakatan, kebersatuan dan kebersamaan di peringkat akar umbi terutama di semua peringkat sekolah, pendidikan tinggi dan dalam komuniti serta strategi penambahbaikan untuk mencapai *outcome* yang ditetapkan.

22. PR-1523-L21684

Datuk Wira Hajah Mas Ermieyati binti Samsudin [Masjid Tanah] minta **MENTERI DALAM NEGERI** menyatakan jumlah kertas siasatan (IP) yang dibuka bagi kes menghendap di bawah Undang-undang Anti-Menghendap semenjak ia berkuatkuasa dan berapakah jumlah perintah perlindungan (PO) yang dikeluarkan bagi kes menghendap di bawah Undang-undang Anti-Menghendap semenjak ianya berkuat kuasa.

23. PR-1523-L21229

Tuan Sanisvara Nethaji Rayer A/L Rajaji [Jelutong] minta **MENTERI DALAM NEGERI** menyatakan adakah Kerajaan bercadang untuk membina penjara baru untuk menggantikan penjara lama di Pulau Pinang, Taiping, Batu Gajah serta penjara-penjara yang lama dan usang di seluruh negara.

24. PR-1523-L22495

Tuan Hassan bin Saad [Baling] minta **MENTERI DALAM NEGERI** menyatakan dengan terperinci isu-isu berkaitan aspek 3R (*Race, Religion, Royalty*) yang sehingga sekarang masih tiada panduan terperinci berkenaannya.

25. PR-1523-L21513

Tuan Haji Ahmad Johnie bin Zawawi [Igan] minta **MENTERI PENDIDIKAN** menyatakan berapa ramai calon Sijil Pelajaran Malaysia 2022 di Sarawak yang tidak layak mendapat sijil SPM kerana gagal dalam subjek Sejarah atau Bahasa Malaysia atau kedua-dua nya dan apakah pihak Kementerian telah mengenal pasti punca pelajar berkenaan gagal dalam kedua-dua subjek berkenaan serta apakah tindakan Kementerian untuk mengatasi masalah ini.

26. PR-1523-L22125

Puan Hajah Salamiah binti Mohd Nor [Temerloh] minta **MENTERI PENDIDIKAN** menyatakan :

- (a) hasil kaji selidik lapangan melibatkan ibu bapa, guru dan pelajar mengenai kesesuaian silibus pendidikan dengan umur pelajar-pelajar di peringkat rendah dan menengah; dan
- (b) adakah Kementerian telah mengenal pasti kesan silibus yang dijalankan sekarang kepada tahap pendidikan pelajar secara holistik merangkumi aspek akademik, akhlak dan kesihatan mental. Nyatakan kesan yang telah diterima bermula tahun 2017 sehingga 2023.

27. PR-1523-L21660

Puan Yeo Bee Yin [Puchong] minta **MENTERI PENDIDIKAN** menyatakan sama ada Kementerian akan membawa pindaan kepada Akta Pendidikan untuk menjadi persekolahan mandatori dari tahun 6 ke tahun yang lebih tinggi umpamanya tahun 9 ataupun sehingga SPM.

28. PR-1523-L21565

Puan Teresa Kok Suh Sim [Seputeh] minta **MENTERI KESIHATAN** menyatakan rancangan Kementerian untuk meningkatkan perkhidmatan perubatan di seluruh kawasan Kuala Lumpur memandangkan penduduk di Kuala Lumpur telah meningkat dalam tahun-tahun kebelakangan ini. Apakah Kementerian akan menaik taraf Klinik Kesihatan Petaling Bahagia di Jalan Puchong.

29. PR-1523-L21378

Datuk Seri Ir. Dr. Wee Ka Siong [Ayer Hitam] minta **MENTERI PENGANGKUTAN** menyatakan apakah perancangan Malaysian Aviation Group (MAG) susulan penamatan kerjasama jangka masa panjang bersama katering Brahim's Food Services sehingga terpaksa menyediakan makanan dalam kotak serta membenarkan penumpang untuk membawa bekalan makanan sendiri yang berpotensi menjejaskan imej penerbangan negara.

30. PR-1523-L21361

Dato' Ngeh Koo Ham [Beruas] minta **MENTERI PENDIDIKAN** menyatakan sama ada Kerajaan bersedia untuk memulihkan aliran bahasa Inggeris di sekolah-sekolah mubaligh supaya orang ramai juga mendapat peluang menguasai Bahasa Inggeris dan bukannya hanya anak-anak mereka yang berada yang mampu menghantar anak-anak mereka ke sekolah-sekolah antarabangsa aliran bahasa Inggeris.

31. PR-1523-L22476

Tuan Sabri bin Azit [Jerai] minta **MENTERI PENDIDIKAN** menyatakan laporan berkenaan pencapaian Pelan Pembangunan Pendidikan Malaysia 2013 - 2025 daripada sudut prestasi intelektual murid memandangkan peperiksaan besar seperti UPSR dan PT3 sudah dimansuhkan.

32. PR-1523-L21194

Datuk Wetrom bin Bahanda [Kota Marudu] minta **MENTERI DALAM NEGERI** menyatakan adakah pihak Kementerian mempunyai cadangan membina baru Pejabat Polis Daerah Kota Marudu yang sekarang ini telah usang dan tidak dapat menampung kegunaan semasa, apa lagi Pejabat Polis Daerah Kota Marudu ini bukan sahaja untuk kegunaan daerah Kota Marudu tetapi juga untuk kegunaan Daerah Pitas.

33. PR-1523-L21386
Datuk Seri Ir. Dr. Wee Ka Siong [Ayer Hitam] minta **MENTERI PENDIDIKAN** menyatakan jumlah dan pecahan nilai yang diterima oleh Sekolah Jenis Kebangsaan Cina (SJKC), SJK Tamil, Sekolah Agama Bantuan Kerajaan (SABK) dan sekolah mubaligh bagi tujuan membaik pulih sekolah-sekolah usang termasuk dari peruntukan tambahan RM1.4 bilion yang diumumkan oleh YAB Perdana Menteri.
34. PR-1523-L22533
Tuan Rushdan bin Rusmi [Padang Besar] minta **MENTERI KEWANGAN** menyatakan sejauh mana Kementerian bersungguh-sungguh dalam memperkenalkan sistem percukaian baharu dan adakah Kementerian telah memanggil pakar-pakar percukaian terutama pakar percukaian Islam.
35. PR-1523-L22365
Tuan Chong Zhemin [Kampar] minta **MENTERI KESIHATAN** menyatakan status pengambilan tapak untuk membina hospital baru di Kampar.
36. PR-1523-L22213
Dr. Radzi Jidin [Putrajaya] minta **MENTERI KEWANGAN** menyatakan rasional arahan Menteri Kewangan supaya pegangan pelaburan KWSP di luar negara dikurangkan daripada 36% kepada 30% bagi meningkatkan pelaburan dalam negeri KWSP kepada sekurang-kurangnya 30%. Berapakah peratusan pegangan pelaburan KWSP di luar negara pada ketika ini.
37. PR-1523-L(5)00185
Tuan Zahir bin Hassan [Wangsa Maju] minta **MENTERI KESIHATAN** menyatakan mengenai perkhidmatan Audiologi yang semakin diperlukan selaras dengan pertambahan pesakit bayi, kanak-kanak, dewasa dan warga emas. Setakat ini, hanya seramai 198 orang pegawai Audiologi Kementerian Kesihatan Malaysia di seluruh Malaysia. Apakah tindakan Kementerian dalam menangani kekurangan pegawai audiologi di seluruh Malaysia.

[Pertanyaan di bawah PM 22(5)]

38. PR-1523-L21880
Tuan Jimmy Puah Wee Tse [Tebrau] minta **MENTERI DALAM NEGERI** menyatakan :
- (a) jumlah kelulusan permohonan kewarganegaraan khususnya di bawah Perkara 15A setakat tahun 2023; dan
 - (b) usaha menangani kelewatan dan karenah birokrasi mendaftar kewarganegaraan.

39. PR-1523-L22428

Tuan Haji Mohd Hasnizan bin Harun [Hulu Selangor] minta **MENTERI DALAM NEGERI** menyatakan tindakan Kerajaan dalam mengatasi banjir warga asing di seluruh negara yang melibatkan diri dalam perniagaan, memiliki penempatan dan menguasai fasiliti sehingga menimbulkan kerisauan dan ketakutan kepada warga tempatan.

40. PR-1523-L21579

Puan Vivian Wong Shir Yee [Sandakan] minta **MENTERI PENDIDIKAN** menyatakan sama ada Kementerian bercadang untuk membina satu kampus di tapak baru untuk Kolej Tingkatan Enam Datuk Pangiran Galpam Sandakan di mana bangunan yang sedang diguna telah dibuka hampir 50 tahun lepas pada 1974 dan tidak lagi mencukupi bagi memenuhi keperluan pelajar-pelajar berkenaan.

41. PR-1523-L21916

Ir. Ts. Haji Khairil Nizam bin Khirudin [Jerantut] minta **MENTERI DALAM NEGERI** menyatakan adakah pihak Kerajaan bersetuju sekiranya Pondok Polis Kuala Tahan dinaik taraf menjadi balai polis agar keahlian anggota polis yang bertugas di sana boleh bertambah berikutan dengan peningkatan jumlah penduduk sehingga 6000 orang dan adanya kehadiran pelancong bercuti di Kuala Tahan.

42. PR-1523-L22405

Tuan Wong Chen [Subang] minta **MENTERI PENGANGKUTAN** menyatakan rancangan Kerajaan dalam mengatasi masalah integrasi Terminal Skypark dengan KTM Komuter, penghubungan yang lemah dari stesen Skypark ke terminal lapangan terbang dan tambang yang mahal untuk mengatasi isu kadar penumpang yang rendah bagi laluan Subang Skypark - KL Sentral.

43. PR-1523-L21945

Datuk Iskandar Dzulkarnain bin Abdul Khalid [Kuala Kangsar] minta **MENTERI PENDIDIKAN** menyatakan faktor penurunan peratusan murid menengah atas yang menyertai aliran sains, teknologi, kejuruteraan dan matematik (STEM) dari 2017 hingga 2022 dan apakah langkah proaktif Kementerian bagi menangani polemik ini.

44. PR-1523-L22692

Datuk Willie anak Mongin [Puncak Borneo] minta **MENTERI PENGANGKUTAN** menyatakan adakah Kerajaan bercadang untuk membantu golongan pengusaha bas sekolah dengan kadar subsidi diesel baru dan bantuan musim cuti sekolah, ini kerana mereka terbeban dengan kos minyak yang tinggi kini dan dalam bulan November dan Disember biasanya mereka tiada pendapatan.

45. PR-1523-L22404

Dato' Indera Dr. Suhaili bin Abdul Rahman [Labuan] minta **MENTERI KEWANGAN** menyatakan perancangan jangka panjang Kerajaan dalam mengembalikan kegemilangan W.P. Labuan sebagai sebuah pulau bebas cukai. Adakah Kerajaan menyedari kesan ke atas ekonomi Labuan bila mana rokok dikeluarkan dari senarai barangan bebas cukai.

46. PR-1523-L22096

Tuan Roslan bin Hashim [Kulim Bandar Baharu] minta **MENTERI PENGANGKUTAN** menyatakan adakah Kerajaan berhasrat untuk meneliti semula cadangan pembangunan projek Lapangan Terbang Antarabangsa Kulim (KXP) supaya projek ini dapat direalisasikan sekali gus memberi limpahan ekonomi kepada ekonomi dan masyarakat setempat.

47. PR-1523-L21706

Tan Sri Dato' Haji Mahiaddin bin Haji Mohd. Yassin [Pagoh] minta **MENTERI DALAM NEGERI** menyatakan status terkini mengenai isu Kalimah Allah, dan tindakan susulan Kerajaan selepas cadangan penyelesaian kepada Majlis Raja-Raja Melayu disebarkan maklum pada bulan Julai. Apakah sudah ada keputusan tindakan yang muktamad.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. Menteri Kewangan

- * Rang Undang-Undang Kewangan (No.2) 2023.

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2024 (D.R.31/2023) dan Usul Anggaran Perbelanjaan Pembangunan 2024 seperti berikut :**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari sembilan puluh dua bilion ringgit (RM92,000,000,000) dibelanjakan daripada Kumpulan Wang Pembangunan bagi tahun 2024, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2024, yang dibentangkan sebagai Kertas Perintah 34 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (6 November 2023)

2. (D.R. 33/2023) **Rang Undang-Undang Syarikat (Pindaan) 2023 - Menyambung semula perbahasan atas masalah, "Bahawa Rang Undang-undang ini dibacakan kali yang kedua sekarang," (12 Oktober 2023)**

[Menteri Perdagangan Dalam Negeri dan Kos Sara Hidup]

3. (D.R. 25/2023) **Rang Undang-Undang Kawalan Produk Merokok Demi Kesihatan Awam 2023 – Bacaan Kali Yang Kedua**

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

“BAHAWA Penyata yang disiapkan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60”.

4. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**

[Menteri Kesihatan]

5. PR-1523-U(27)278
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

6. PR-1523-U(27)279
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

7. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.

[Menteri Pertanian dan Keterjaminan Makanan]

8. PR-1523-U(27)281

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlahankan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

9. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

10. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

11. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

12. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

13. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

14. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat."

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

15. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

16. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

17. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

18. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket perdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

19. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

20. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan

Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

21. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

22. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

23. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidaklangsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

24. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

25. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

26. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

27. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan passport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 07.11.2023 (Selasa)	1. YB Tuan Jimmy Puah Wee Tse (Tebrau)	1. Permohonan Kewarganegaraan di bawah Perkara 15A Perlembagaan Persekutuan	1. YB Menteri Dalam Negeri
2. 07.11.2023 (Selasa)	2. YB Tuan Jimmy Puah Wee Tse (Tebrau)	2. Status Terkini Pembinaan Sekolah Baru dan Naik Taraf Sekolah Daif di Negeri Johor	2. YB Menteri Pendidikan
3. 07.11.2023 (Selasa)	3. YB Tuan Nurul Amin bin Hamid (Padang Terap)	3. Penutupan Unit Pesakit Luar Hospital Kuala Nerang yang Mengakibatkan Kesusakan Klinik Kesihatan Lain	3. YB Menteri Kesihatan
4. 07.11.2023 (Selasa)	4. YB Tuan Nurul Amin bin Hamid (Padang Terap)	4. Isu Kedah Rubber City (KRC) di Padang Terap	4. YB Menteri Ekonomi

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**